



ДОВА ПИ, ГОСПОДИН ИВАН САРАПАНЧИКОВ



Вот, значит, дова пи вöли, Иван Буслан, зэ немудренöй, йöй нисьö прöсуж быдмö. Да. Пыр паччöрын куйлö, лувасьö сөй пиас.

Коркö-й дас вит ли дас квайт арöс сылы лови. Ыджыд нин, а нимön оз кер, дажö оз агсась, оз гөр, кöть и позьö нин. Мый сэсся йöйыдлысь босьтан, нимöна нимön ий эм, некутшöм пöльза мамлы, дажö пес оз пырт. Да. Мам эськö-й горзылас жö:

— Дыш дявöл, мый нö куйлан, мый нö нимön он кер, мый нö кöть пессö он пырт?

Да мый босьтан Иванлысь:

— Мем дыш. Ме ог вермы,— шувас дай став.

Либö ещö вомалас. Ен нин да оз поо мамсьыс. Да.

— Адöй, адöй!— дявгö да страститчö мам. Кыськö тай лован лешак мортыд, мый нö тэысь, сöмын сөян менö, дыш лешак!

Отчыд зэ жар лун ловис, зэ номйöсь, зэ лöддзöсь. Иван ий шувö мамлы:

— Мамö, ме тавун гөрны кая.

— Чöо, йöй дявöл,— шувö мам,— кодi нö татшöм жар луно гөрлö, мый ловин, мый думыштiн, йöйöй, вöотö вины ли мый кöсьян?

— Кая,— век ассьыс висьтолö Иван,— талун кö ог кай гөрны, сэсся-й некер, нэм ог кай.

Да. Мам эськö-й оз лэдз да кызкö силком мунис, босьтис вöо, дод-дясис кое-как, вовис му вылö. Удитис ли эз ли гөрыштны, сатшкывны кöть гөрсö муас, видзöдö да — сьöд пуксьöма вöо вылö лөдз да ном да геб.

— Аттö дивö,— шувö Иван,— вöо сiдз нин омöль, куш лыыс, а тайяс ещö на вильöдöны.

Босьтис дöра пласт да лöсьöдчö номъясöс вöтлооны. Мый нö сэсся, йöйыдлы сия удж нин гөрöм дорсьыд. Да. Макнитис дöра пластөн, кучкис, видзöдлiс — зэ уна усьöма став пöлöсыс. Давай сия и лыддыны. Сизимдас вит штука лөдз лыддис, а гебöс да номсö и лыддыны эз вермы, тшöтыс абу. Иван и думайтны кутис:

«Мый нö тая, эта мында лоо öти макөн верма босьтны, сы мында жизньö кончитны, а менö гөрны тшöктöны. Ме тая абу прöстöй морт, а менам багатыр вöөсьöма. Ещö и гөрны ыстöны! Ме абу гöрысь, а вöуйтысь!»

Шурк-шарк зэ öдийö лэдзалис вöөсö, чужйис кöбылалы:

— Мун, лэччы гортад! Тэ абу гёрысь вөө, тэ багатырскöй!

Да. Кёбыла эськё муртса эз усь кок йысысь, сэтшöм омöль, öдва лолыс, да мый нö йöйдылы, тэ пö багатырскöй, шувö. Ставсö колис, эноотис му вылö, вовис гортö.

— Но, мамö, тэ менö век гёрны ыстан, а ме абу и гёрысь, менам вөөсьöма зээ ён багатыр, могучöй багатыр.

— Мун, йöй дявöл, мый нö нин вовис йöй юрад, кутшöм могучöй, пестö кö пыртны он вермы.

— Прöстö ог шу, мам, сідз эн думайт, ме öти макön сизимдас вит багатырöс вии, а поснисö и лыддыныс эг вермы, тшöтыс абу. Эн шу, мам, сідз, ме абу гёрысь и абу пес пыртлысь, а ме воуйтысь. Вай, мамö, сарапантö зіля, тавун жö муна, пета туйö.

— Вай, вай, мам, зіля пöрччы!— топöдис Иван мамöс.

Добитчис сётаки, мырддис сарапантö, кыскö батыслысь кыкис косашой, сылы пугляр лёсьöдис и öшöдис бокас, быттьö сабля лови.

— Тэ, гашкö, и вөөтö нуван да?— поозис мам збыльысь нин.

— А кыздз нö!— шувö Иван.— Багатыръяс вөөтöг оз ветлыны. Кёбылаыд мян абу прöстöй вөө, багатырскöй.

Мам эськö-й заводитлис жö кутны да, кыс кутан, Иван мам дорысь ёнджык нин. Домалис кёбылаöс, пуксис вылас и рöдтис кытчöкö, код тöдас кытчö. Мам коли сулалан, дявгö да сöткö, мый, шувö, вöчан йöйыдкöд. Да.

Мунис, мунис Иван, мунис куим туйвеж. Сэни пу сулалö, пожöм. Иван лöсалис путö, выльдис, гогналис дай гижис сэтчö:

«Тайö туйöд мунис господин Иван Сарапанчиков, могучöй багатыр. Öти макön виö сизимдас вит багатырöс, а посниыслысь лыдсö оз тöд, без числö. Колöкö, вöтчö, колöкö, энö».

Да. Шойччыштіс, сэсса и мунис туй кузя водзö. Верст-мöд сія мунис ли эз, сія пу дінад воисны куим багатыр, настöящöй багатыръяс — Илья Муромеч, Öльöшка Попович да Сам Самплеменник.

Да. Вовöны кысянькö, ветлöмаöсь странствуйтны ли мый ли. Туй вожад да, ная пуксисны шойччыштны, куритчыны тадз. Друг аддзöны гижöд:

«Господин Иван Сарапанчиков öти макön виö сизимдас вит багатырöс, а посниыслысь лыдсö оз тöд, без числö».

Лыддисны и видзöдлісны öта-мöд выланыс, поозисны прамöя. Илья Муромеч, кыздз самöй старшöй на пиын, кутис ювасыны, спрашивайтны:

— Тэ, Öльöшка Попович, татшöм багатырсö тöдлін?

— Эг,— шувö Öльöшка Попович.

— Эг,— шувö Сам Самплеменник.

— И ме эг,— шувö Илья Муромеч.

Да. Сэсса бара ювалö:

— А тэ,— шувö,— Öльöшка Попович, та мыдасö öти макön вины верман?

— Ог,— шувö Öльöшка Попович.

— Ог,— шувö Сам Самплеменник.

— И ме ог,— шувё Илья Муромеч. Да.— А мый,— шувё,— такөд кө ми паныдасям знакомитчытөг? Мый, братъяс, сэк лово? Сія вөд миянөс виялас без труда.

Но, куунытө некодлы абу окота, некодлы абу колана смертыд. Илья Муромеч и пондіс шуны:

— Тая коомас узнайтны, знакомитчыны, да сөгласитчас кө, босьтны сійө старшөй брат пыдди, подчинитчыны и тем подобное. Тая коомас сувөдлыны миян, мед бөрын лёк оз ло.

Да. Багатыръяс сөлісны вөояс вылө и мөдісны сувөдны Иван Сарапанчиковөс.

А сія пыр перед зунялө-мунө; косашуй өшөдөма бокас, вылас мам сарапан шыбыгыштөма. Вөлыд омөлик да ылөсө, дерт, эз на и удит мунны, друг кылө мышсьыс зээ ыджыд шум — тайө багатыръяс локтөны, вөояслөн кок шыыс.

«Мый тайө, што такое тая шум?»— думайтө Иван и бергөдчиг-мозыс лег-легкерис чуньнас.

Багатыръяс сәки өкурат мыччысисны тыдалан выйөн.

— Со, со,— шувөны,— со тай, да, оз-ө грөзит сія миянлы? Кыдз эськө подойдитны, мед эськө стразу эз уськөдчы?

Да. А Иван сія эз на и суут, пыр водзө мунө. Илья Муромеч сәсся крабритчис дай подойдитіс, ювалө сәтшөм тикөй гөлөсөн:

— Тэ ли лован господин Иван Сарапанчиковыс, тэ ли лован?

— Мый ме да!— лёкпырысь шувис Иван.— Мый ме да!

Ийөйдлөн да, деревенскөйөйдлөн да, сёрниыс сәтшөм и эм, оз пра-мөй морт моз сёрнит, горзө:

— Бурьыс али лёкысь ті? Бурьыс али лёкысь?

— Тэ лован господин Иван Сарапанчиковыс?— бара шувө Илья Муромеч.— Тэ кө сія лован, ми вот локтім подчинитчыны, тэныд младшөй братъяс пыдди ловам, служитны пондам бура, биө көть ваө тэ бөрся мунам.

— Ме, ме, ме,— шувө Иван.— А, локтід? Но, локтөй, ловад менам младшөй братъясөн, кутад подчиняйтчыны, слушайтчыны, вөтчөй ме бөрся.

Да. Илья Муромеч муніс багатыръяс дорө:

— Уф, ёна,— шувө,— и пөсялі, поози да. Аттө, кутшөм скөр! Ена жө ён, тыдалө, сія, сідз кө нин микөд сёрнитө!? Вөд видзөднысө прөстөй морт койд и эм, омөлик быттьө, а паськөмыс — яндзим шуны, сыри-летки ставыс. Но, ён, тыдалө, грозной, ладнө, знакомитчөма көть лови, өні олам на. Да.

Мунісны, мунісны ная и коркө вовисны Деветисарство граньө. Иван и шувө багатыръяслы:

— Но, вокъяс,— шувө,— вокөн кө шусид, ме сідзи и кута тіянөс шуны. Татчө,— шувас,— бивак вөчамө. Да. Ме,— шувас,— зээ мудз, важөн нин эг шойччыл, и ме тані кута шойччыны. Ме,— шувө,— вода да куим сутки ог чеччыл, куим сутки продолжайтчө узьөмөй, а ті,— шувө,— менө эн беспокоитө. Паськөдө асьныд шатертъястө.



Иван сэся паськөдіс мамлысь сарапансө, лөсьөдіс вон койдөс и пырис сы улө. Багатыръяс сөмын видзөдлісны өта-мөд выланис. Ная эськө и асьныс суткиөн узьöны, а Иван сөтаки кужис, сумеитіс шуны, куим сутки пö.

— Вот,— шувöны ас костаныс,— тая и багатыр, вот тая и узьöм. А видзөднысö вöд прөстөй морт койд и эм!

Да. Дивуйтчöны багатыръяс, а Иванлы нö мый, сія мортыд дыш койд да, куим суткиыд сылы абу на и уна, сія көть дырджык на куйлас, кынöмыс кө оз кут сьумооны.

Да. Багатыръяс сэся тожö асьыныс шатертъяс паськөдалісны, вöбяс лэдзалісны йирсыны, лөсьөдчöны водалны жö. А найötö, ветлөм йöзыд да, төдöны нин, кытчö мый суутісны. Пондісны төлкуйтны.

— Кыдз нö мый? Ми вöд Деветиграньö вовим, тани сарыс скөр, без ничего кө водам, сія ыстас войскатö да мянөс узигкоста и кераласны.

— Кыдз нö мый, старшöй братыдлысь вот эг ювалö, а сылысь юалтөг оз жö позь дай. Вай тэ,— шувöны Илья Муромечлы,— кызд старшöй-джык мян пынн, ветлы да юо.

Илья Муромеч муніс полігтырйи, Иван вöд эз тшөкты беспокоитны. Вовис и ньöжйöник ювалö:

— Господин Сарапанчиков, господин Сарапанчиков, ми вöд Деветиграньö суутім да часөвөйтөгыд ог лысьтö воднытö, кызд мый прикажитан?— Да.

— А ме, буракö, часöвöйö ог кут суутны тiянлы,— горöдiс Иван сарапан уусьянь.— Асьныд кумок вок пöсменнö сулалö! Ме, буракö, узьтöг ог кут ооны!

Илья Муромеч öдйöджык сэсь бөр, висьтоолö, зээ пö скөр, аслыным пöсменнö тшöктö сулооны.

Коркö-й коли сутки ли мöд. А граньтö, дерт, пуста оз видзны, öнi тай со видзöны, сэки сэтшöм жö вöлöма.

Деветисарствоса сарлы кысыöма, нель багатыр пö локтöмаöсь, без просу оомöдчöмабсь сiя му вылын. Зээ ыджыд войска ыстас налы паныд, локтöны нин, матыстчöны багатырьяс дiнö. Тыдоочисны да, веськыд сьöд, войска локтö без числö.

А Иван век на узьö, эз на петоо аслас шатертысь. Часöвöй Öльöшка Попович самöй лöсьлöма, кыкысь кыным эськö-й волiс жö садьмöдны да оз лысьт, бөр мунö. Сöветуйтчисны да бара ыстiсны Илья Муромечöс. Сэтшöм случай кö, ловö и беспокоитны, садьмöдны, нинöм он кер, аддзан вöд, мыйда локтö войскаыс, шувöны Илья Муромечлы, вай тэ ветлы пö, юоо.

— Вот, господин Сарапанчиков,— шувö Илья Муромеч,— ыджыд вок тэ мян лыддысян, мянлы паныд войска локтö без числö. Мый тшöктан керны? — Да.

— Ме, буракö, öти войска вылад ог кут петны,— шувö Иван.— Сэтшöм пустякьяс вöсна нимөнла на и беспокоитныс вöли. Петöй да асьныд виалöй, колöккö öтиöс кольö жö посол вылö-а.

Илья Муромеч мунiс да висьталö багатырьяслы:

— Аттö,— шуvas,— аттö, но и ён жö, тыдалö, öти войска вылад пö ме ог кут на петны, нинöм на пö беспокоитны менö сэтшöм пустякьяс вöсна. Кыдз нö мый, братьяс, справитчам ог асьным?

Да. Но, сэн справитчан ли, он ли, петны быть, Иван прикажитiс. Да. Багатырьяс пуксисны вöяс вылö, став войскатö шырисны, кералiсны, кызд вот турин ытшкан. Кольöдiсны öтиöс посол вылö, Илья Муромеч тшöктiс передайтны сарлы, вот пö мун да висьтоо сарыдлы, мый аддзылiн, а старшöй брат пö мян ещö эз на петоо. Сылы паныд пö некутшöм вын оз сулоо, сiдз пö и висьтоо, и мед пö водзö рöскөд оз вöч йöзöн, а бур кö колö, мед пö петас стречайтны няньöн да солөн.

Но, посолöс лэдзисны сэсся, мед мунас да висьтолас сарлы.

А Деветиграньса сар, мыйöн кыллiс войска виöмтö, зээ ёна скөрмис. Сылөн вöли Полкан-полубес, аслас телокранитель и став Деветисарствосö кутысыс, öти джынйыс вöө, мöд джынйыс морт, ачыс комын сажень кузя, му вылас и свет вылас некод на абу вöлöма ськөд водзсасысыс, сэтшöм ён. Сар лэдзас сiйöс багатырьясыдлы паныд, öнi пö надейнö оз пышйыны, аддзасны, мый корсисны, мед кöть и нельöн.

«Бук, бук! Зiм, зiм!» — мусы вөрö, локтö да, гашкö, сё верст сайö кылö.

Кылысны и багатырьяс. Няятö, ветлöм-мунöм йöзыд да, грамотнöйöсь да, тöдöны вöли: Деветиграньса саритсалөн эм Полкан-полубес, некодөн вермытöм чудищö, багатыр. Кылысны кок шытö и зээ ёна пол-

зисны. Тая, дерт нин, сiя локтö, ставлы смерт. Илья Муромеч зээ öдйö котöргiс, пырис Иван дорö.

— Господин Сарапанчиков, господин Сарапанчиков, Полкан-полубес, тыдалö, локтö, медъён багатырсö саритсаыд лэдзöма, некод сыкöд оз вермы водзсасыны, по писанию гижöма. Мый нö кутам керны, он-ö ачyd петoo?

— Да, прикодитчас, буракö, меным петны, — зээ тяжелöй дыканиеөн здыкнитiс Иван. — Да, аслым ловас петны, сiдзкö.

— А мый тшöктан миянлы, — шувö Илья Муромеч, — сийö вöд зэй ён да, помошyd оз ло лишнöй. Он-ö босьт миянöс аскöдыд, мыйкö, гашкö, отсыштам? Да.

— Ог, оз коо, — шувö Иван, — тi сöмын мешайтчыны кутад, тiянысь нимön, ме öтнам пета.

Да. Илья Муромеч вовис багатыръяс дiнö, дивуйтчö:

— А, господи помилуй, господи помилуй, эз и босьт миянöс, тi пö мешайтчыны кутад, öтнам пö справитча.

Но, багатыръяс дивуйтчöны жö, но и сила пö, тайкö пö вöд эг прöстунитö, паськöм вылад кö видзöдны. Тая пö, тыдалö, абу омöль, паськöмыс кöть омöль-а.

Да. А Иван петiс сарапан улысь да толькö думайтö:

«Ок, ок, ок, эг куж оонйтö, вот и пом вовис. Мый эськö гортын кö вöли öни, оли да оли эськö, а тан ловас кууны. Эг кызысь мамыдлысь, вот öни и ловö расплатитчыны. Прöстö йöйөн эз шулыны, йöй жö и вöбсьöма».

Зээ абу окота Иванлы кууны, но керны нимön, кыы шувöма, кöсьиьсьöма багатыръяслы, петны быть нин.

Да. Иван кутiс кöбыласö, пуксис вылас и мунiс паныд Полкан-полубеслы. Ылö мунiс, мед багатыръяс оз аддзылны, кызди виясны сийöс. Да. Аслыс зээ жаль ачыс, аслас том олöмыс. Тöдöмысь вöд, кулöм вылö петö.

Да. Коркö-й Полкан-полубес тыдооччис, öкмыс сажень суда юрыс куш; страшеннöй чудищö.

Иван аддзис да чуть вöө выысьыс эз усь, сэтшöма поозис. Но керны нимön, петöма да быть мун, öни и пышйыныд оз удит, кöть и пышьян эськö да. Матын нин локтö. Мед не аддзыны асьыс смертсö, Иван гартыштчис мам сарапанас, юр ни нимön эз кут тыдооны. Смерт жö пö-а, луттшö пö не аддзыны, гартлис сiя став юрсö.

Аддзис сийö и Полкан:

— Ок, — шувö, — комын вотö эг петoo да, война законыд тай вежсьöма, тыдалö, кöртасьöмön, со, локтö витязьыд, прикодитчас пö меным тшöттш гартыштчыны.

Кыскис шатертсö да гартiс став юрсö. Сэжитö сэтшöм мода вöлöма, кызди öгиыс петö, сiдз жö-й мöдыс должен.

Да. А луныс зээ шондiа да югыд. Иванлы сарапан пырыд ставыс тыдалö, сарапаныд омöлик, гежöd да, а Полкан нимön оз аддзы, шатертыд сылön бур, топыд. Вот ная и водзчасисны. Да. Полкан синтöм

койд, а Иванлы тыдало. Сія оöтыштіс косанад да кызкө удачно вель-калі, зонмө, на гректө главнөй сөнсө ородіс Полкан-полубесыдлысь. Сія уси, Иван, не будь дурак да, ылөджык бокө, ылысянь кутіс видзөдны. Полканыдлөн смертыд воны кутіс да, пессьө, другө, страшнө видзөдныс. Став мусө гөрө, керка кыза дубьяс сулалөны да, вужнас нетшкө, дрөбитө. Прөста, дерт, эз шуны багатырьясыд, сысысь ёныс пө му вылад и светыс абу, писание вылө пө сідз гижөма.

Да. Ставсө, зонмө, чирсіс-дрөбитіс, пу ни палич эз коль. Пессис, пессис медбөрья силасысь, сөсся-й коркө лөнис, ланьтіс дзикөдз.

Но, Иван муніс багатырьяс дінө, шувө багатырьяслы:

— Но, пьян, мунө, видзөдлө, окота кө аддзылны. Со, эстөн, вөр ді бокас куйлө бесыд, менам эштөдөма, кончитөма.

Багатырьяс мунісны, котөртісны:

— А господьө, господьө,— шувалөны, видзөдөны да,— пу ни палич абу кольөма, ставсө дрөбитөмаөсь да гөрөмаөсь. Вот тані война вөлөма, вот тая силаяс, вот тайө стражданьө! Оні ловө нин веритны, со кодөс виөма да. Ещө көть эг ылаалөй, подчинитчим вовемя. Да. Оні сысысь ёныс некод эз коль свет вылас.

— Но,— ювалө Иван,— видзөдлінныд, аддзылінныд?

— Да,— шувөны багатырьяс,— кымын во ветлам, косясям да, татшөм косьсө эг на аддзылө. Нэм кутам помнитны, сэтшөма страститчим.

Время тыри, мунан кад вовис.

— Но, вокьяс,— чуксалө Иван младшөй братьясөс,— волө, пуксьылөй.

Багатырьяс локтісны, зээ тикөя пуксисны. Пооны вөд ловө! Да.

— Вот ме приказ сета тиянлы. Бур кузя мунө Деветигрань саритса дорө и висьтолөй сылы, мый ме думайті. Да. Ті төданныд, мый ме думайті?

— Ог төдө,— шувөны багатырьяс раминика.

— А вот мый ме думышті,— шувө Иван,— а ті мунө и висьтолөй, лөсьөдчас мед ме сайө мунны, менам бабаөн ловас. Оз кө мун, став сарствосө төлөда и палита, а асьсө виа; мунас кө, сарствуйтны пондам кыкөн. Сідзи и висьтолөй, мунө да.

Но, вокьяслы быть мун, старшөй брат ыстө. Да. Вокьяс посол пыдди мунісны, вовисны карө, көн олө саритса.

Да. Сія, дерт, думайтө, Полкантө пө, буракө, виисны, дыр эз воны кут. И зээ бура примитіс багатырьясөс, вердіс-юктоліс.

— Но, сар-матушка,— шувөны багатырьяс,— ыджыд вок ыстіс зээ ыджыд могөн, страшнө дажө висьтооныс, сэтшөм ыджыд. Но миянлы быть висьтоо, ыджыд вок тшөктіс. Ыджыд вокным миян, господин Иван Сарапанчиков, локтас тавун-аски корасыны, коралө тиянөс ас саяс баба вылө. Сысысь ёныс свет вылас некод абу, некод эз коль. Полканыд вөлі, асьныд төданныд, кутшөми вөлі, а сійө Полкантө өтнас виис, ті пө толькө мешайтанныд, шувис миянлы. Пу ни палич абу кольөма косясян местаас, ставсө дрөбитөмаөсь. Вот сія мортыс, господин Иван Сарапанчиков, коралө тиянөс, тшөктіс висьтооны, передайтны тиянлы: он кө пө

мун, став сарствосё пузуута и асьтё виа, мунан кё, сарствуйтны пондам тшотш. Мый висьтолад, сэсся асьныд висьтолой, — шувёны багатыръяс, ми пö видзчысям, сутки строк сетöма миянлы.

Саритсаёс, зонмö, шогöдис, и прамöя шогöдис, кор ещö содтисны багатыръяс, неупретен пö, колö висьтооны, видзöднысö пö сийö лёкиник, прöстöй морт бытьё. Невöляысь мунны абу окота саритсалы, да ещö неупретентö шувисны. Да. Думайтис, думайтис, суткиджын думайтис. Но, сэсся шувис багатыръяслы, ловас пö, буракö, лöсьöдчыны, эг пö эськö кöйсы да, вынужден, ловö пö сöгласитчыны, мед пö оз жугöд сарствосö. Но, сöгласитчад кö пö, шувёны багатыръяс, колö пö паськöм сылы лöсьöдны, нимön пö абу сылön. Да. Саритсалön, дерт, эм быдторыс, корисны паськöм вурьсыясöс, прамöя и вурьсыны пондисны.

Багатыръяс мунисны сэсся, а карын лöсьöдчöны стречайтны. Плагъяс öшлисны, музыкаяс ворсöны. Важön тай, сар кö ли кодкö ыджыд-джык локтö, звönön стречайтлисны, танi сiдзжö, кöлököльяс клёнгöны, звönитöны. Сарскöй двореч дорын караул суутöдисны.

Мыйön Иван Сарапанчиков тыдооччис, «На караул!» горöдисны. Йöзыдлön эськö серамныс петö — Иванлön вöö омöлик дай ачыс сэтшöм жö, да серооны оз позь, быдön полöны, Полкан-полубестö виöма да.

Сэни суддаяс, генералъяс, став гырысьыс паныд петисны, зöлötöй блюд вылын паськöм вайисны.

— Шогмö кö, господин Сарапанчиков, пасьтоо и ноолы, — шувёны.

А уютжитöма, зонмö, да абу жö чукырыд, только и югъялö. Эз лöгась мортыд, босьтис. Пыртисны дворечö, дерт, сэсся, Деветиградь сарыд эз сола тшакön верд, эз миян койд тшайön юктоо. Шампанскöйыд и быдтор вöли сэн. Лун куим кымын строк пуктисны, венчанньö. Став заграничасьыс, иностранной государствосьыс гөстьясöс корисны, став князьяссö, саръяссö.

Иван, зонмö, пасьтасис да прамöй морт лови. Зöлötöй часияса, сарскöй знакьяса, быдторсö öшлис вылас, мый сетисны, настöящöй морт лови. Но, сэтшöм великöй пир вöчисны, сэтшöма ставсö донтöммöдисны тöваръяс — мый колö кодлы, сийö и босьт донтöм донысь. И гөститöдисны, быдпöлөс сёяныс и юваныс вöли, ставлы тырмис, дажö колис на, гашкö, мыйда, эз вермыны сёйныс да.

Тöлысь кык кымын мунис пир. Сэсся пируйтöм эштис да, Иван корис ас дiнас багатыръясöс.

— Вот, — шувö, — вокъяс, ежели тi кöсьяд ме дiнын ооны, служитны бура, ме тiянлы награда сета, главнокомандующöйö пункта, став вылас ыджыдö; ежели он кöсйö тан ооны, мунöй вöльнöй воздук вылö, ме тiянöс ог кут, асланыд вöля. Кудсö желайтанныд, генеральскöй чин али вöльнöй воздук выытi ветлыны?

Да. Ювалис и сутки строк сетис. Ная думайтисны, думайтисны, сэсся öти шувö:

— Тая зээ скөр да, ме бара муна татысь, татчö кö кольччан, пыр пооны ловö.

Мөд шувө:

— Ме пола жө, желайта мунны вольной воздук вылө.

Коймөд шувө:

— Ме муна жө.

Сэсса чукөрөн и мунисны Иван дорө:

— Вот,— шувөны,— ыджыд вокө, абу кө тэд пеня, лэдз миянос,
ми вольной воздук вылө мунам.

— Асланыд вөля,— шувис Иван. Мен пө абу пеня, сэсса лэдзис
багатырҗастө, мунисны.

Но, сэсса сарөн коли Иван, өні на, гашкө, сарствуйтө, олө.

